

6.14 DEPARTEMENT MODERNE VREEMDE TALE
AFDELING A
MODULE-INHOUDE: GRAADPROGRAMME

13145 Frans

Opmerkings

1.

Frans 178 word vir beginners aangebied; **geen voorkennis van Frans word vereis nie.**

Die kursus is bedoel om studente 'n *basiese* interkulturele kommunikasievermoë te gee. Dit poog m.a.w. om studente in staat te stel om hedendaagse Frans in alledaagse situasies te verstaan, te praat, te lees en - in 'n mindere mate - te skryf; en wél met 'n basiese kennis van die hedendaagse leefwêreld in Frankryk.

Frans 188 maak spesiaal voorsiening **vir studente wat Frans in Graad 12 geslaag** óf, na die oordeel van die Departement, 'n gelykwaardige standaard daarin bereik het.

2.

Die tweede- en derdejaarskursusse lei studente tot *gevorderde* interkulturele kommunikasievermoë.

Ook hierdie kursusse fokus op die hedendaagse leefwêreld, maar hulle sluit die historiese dimensie daarvan in. In die besonder word studente se vaardigheid ontwikkel om - a) tekste (in die ekstensiewe sin van die woord) kultuurkontrastief te verstaan en te gebruik, wat o.a. die volgende vereis:

'n insig in kommunikasieprosesse,

'n kennis van basiese tekswetenskaplike beginsels en

'n kritiese bewussyn van ooreenkomste en verskille tussen die uitgangs- en die teikenkultuur;

b) mondeling en skriftelik bewys te lewer van die vaardighede en kennis in a) hierbo genoem.

Selfstudiekursusse, rekenaarlesse en ander ondersteunende materiaal word beskikbaar gestel vir die verbetering en uitbreiding van hierdie kennis, insig en vaardighede.

3.

Studente kan aan die einde van elke jaar die *Alliance Française* se gelykwaardige DELF/DALF-eksamen aflê.

4.

Alle voorgraadse kursusse in Frans maak gebruik van deurlopende assessering.

178(24) *Inleiding tot die Franse Taal en Kultuur (vir studente sonder Frans in Graad 12)* (3l, 1t, 1p)

Inleidende taalstudie

Inleiding tot die kontemporêre Franse beskawingskunde aan die hand van temas

Studie van eenvoudige letterkundige tekste

188(24) *Intermediêre Studie van die Franse Taal, Literatuur en Kultuur (vir studente met Frans in Graad 12)* (3l)

Intermediêre taalstudie met besondere klem op woordeskatuitbreiding

Tekste uit Frankryk en Franssprekende Afrika

278(32) *Voortgesette Studie van die Franse Taal, Literatuur en Kultuur* (3l, 1p)

Voortgesette taalstudie

Basiese konsepte en beginsels van Frans as Vreemde Taal

Vergelykende beskawingskunde aan die hand van temas

Studie van tekste n.a.v. hierdie temas

379(48) *Gevorderde Studie van die Franse Taal, Literatuur en Kultuur* (3l, 1p)

Gevorderde taalstudie

Studie van Franse tekste (insluitend hiperteks en film) met besondere relevansie binne die Suid-Afrikaanse realiteit

Vergelykende beskawingskunde met verwysing na die beroepslewe

...

AFDELING B
NAGRAADS

HONNEURSPROGRAM IN FRANS (4l, 2s)

Kode: 13145 - 778(120)

Toelatingsvereistes

'n BA-graad met Frans as hoofvak. 'n Gemiddelde prestasie van 60% word in die hoofvak vereis.

Programstruktuur en -inhoud

Aard van program

Die een module bestaan uit drie temas uit die Franse letterkunde wat in weeklikse seminaarsessies aangebied word. Gedurende die seminaarsessies lewer studente werkopdrage in en doen aanbiede oor bepaalde temas. Die ander module behels die skryf van 'n navorsingswerkstuk waarvoor studente selfstandige navorsing doen.

Module-uiteensetting

Verpligte modules

10174 Franse letterkunde en bemiddelingsaspekte 771(90)

10175 Werkstuk (Franse letterkunde) 772(30)

Assessering en formele bepalings

Assessering van 771 vind plaas deur middel van geskrewe werkopdrage, klasaanbiedings en formele skriftelike sowel as mondelinge eksamens. Die assessering van 772 sluit, benewens die werkstuk, ook 'n mondelinge verdediging in. 'n Prestasiepunt van 50% word vir elke module as slaagpunt vereis.

Navrae

Programkoördineerder: Catherine du Toit

Tel.: (021) 808 2063

E-pos: cdt@sun.ac.za

Webadres: www.sun.ac.za/forlang

MA-PROGRAM IN FRANS

Kode: 13145 - 878(120) (NKR 8a: 100%-tesis) (NH)

- 877(240) (NKR 8a: 100%-tesis) (NB) (Senaatstoelating)

(Word nie in 2006 aangebied nie.)

Toelatingsvereistes

Honneurs in Frans of 'n gelykwaardige en toepaslike kwalifikasie wat deur die Senaat goedgekeur word.

Programstruktuur en -inhoud

Aard van program

Studente skryf 'n tesis oor 'n onderwerp wat deur die Departement en die kandidaat in onderlinge oorleg bepaal word.

Module-uiteensetting

Verpligte module

13145 Frans 878(120)

Assessering en formele bepalings

Suksesvolle voltooiing van die program behels die afhandeling van 'n navorsingsprojek en die dokumentering daarvan in die vorm van 'n tesis wat 100% van die prestasiepunt tel en wat deur interne sowel as eksterne eksamineerders, ook by wyse van 'n mondelinge eksamen, beoordeel word.

Navrae

Programkoördineerder: Catherine du Toit

Tel.: (021) 808 2063

E-pos: cdt@sun.ac.za

Webadres: www.sun.ac.za/forlang

Uittreksel uit die Jaarboek , Lettere en Wysbegeerte, 2006